

Na osnovu člana 5. Odluke o izmjenama Odluke o komunalnim taksama («Službene novine Grada Zenica», broj: 1/17) i člana 35. f) alineja 7. Poslovnika Vijeća općine («Službene novine općine Zenica», broj 2/10), Komisija za propise Gradskog vijeća Zenica na sjednici održanoj 20. februara 2017. godine, utvrdila je prečišćen tekst

**ODLUKE**  
o komunalnim taksama

**I**

Prečišćen tekst Odluke o komunalnim taksama obuhvata: Odluku o komunalnim taksama («Službene novine Grada Zenica», broj 2/15), Odluku o izmjeni Odluke o komunalnim taksama («Službene novine Grada Zenica», broj 4/15) i Odluku o izmjenama i dopunama Odluke o komunalnim taksama ("Službene novine Grada Zenica", broj: 1/17); u kojima je označen dan stupanja na snagu Odluke odnosno Odluka o izmjenama i dopunama.

**II**

Prečišćen tekst Odluke o komunalnim taksama objaviće se u «Službenim novinama Grada Zenica».

Broj: 01-01- 2900/17  
Zenica, 20. 02. 2017. godine

PREDSJEDNIK  
KOMISIJE ZA PROPISE  
**Zlatan Meškić**

**ODLUKA**  
**o komunalnim taksama**  
**(prečišćen tekst)**

**OPĆE ODREDBE**

**Član 1.**

Ovom odlukom propisuju se komunalne takse koje plaćaju pravna i fizička lica za korištenje prava, predmeta i usluga na teritoriji grada Zenice i utvrđuju obveznici, visina, olakšice, rokovi i način plaćanja ovih taksi..

Izrazi koji se u tekstu Odluke odnose na fizičke osobe su rodno neutralni, odnosno podjednako se odnose na osobe oba spola.

**Član 2.**

Komunalna taksa plaća se za:

- a) svaku istaknutu firmu,
- b) držanje, odnosno korištenje sredstava za igru (bilijar, automati, fliperi, video igre, pikado, aparati za posebne igre na sreću i sl),
- c) držanje žive muzike u ugostiteljskim objektima.

**Član 3.**

Obveznik takse je pravno ili fizičko lice upisano u odgovarajući registar, koje koristi pravo ili predmete za čije korištenje je propisano plaćanje takse ili pruža usluge za čije bavljenje je propisana taksa.

Visina komunalne takse utvrđuje se Tarifom komunalne takse koja je sastavni dio Odluke.

**Član 4.**

Komunalna taksa predstavlja prihod Grada Zenica i uplaćuje se na račun Budžeta Grada.

**TARIFA KOMUNALNE TAKSE**

**Član 5.**

Za svaku istaknutu firmu, oznaku, obilježje ili natpis na poslovnim i drugim prostorijama, objektima i mjestima, kojim se označava da određeno pravno ili fizičko lice obavlja izvjesnu djelatnost ili zanimanje utvrđuje se godišnja taksa.

Ako obveznik takse – pravno ili fizičko lice posluje u više objekata ili poslovnih jedinica, taksu na firmu plaća za svaki objekat ili poslovnu jedinicu na način da se za svaku narednu poslovnu jedinicu ili objekat iznos osnovne tarife takse na firmu umanjuje za 20%.

**Član 6.**

Taksa za isticanje firme obračunava se i plaća u godišnjem iznosu.

Obveznik takse na firmu dužan je podnijeti prijavu i uplatiti komunalnu taksu Poreznoj upravi- Kantonalni porezni ured Zenica- Porezna ispostava Zenica za tekuću godinu do 20. februara sa stanjem na dan 1. januar.

Izuzetno, obveznik takse na firmu koji počinje sa radom tokom godine (poslije 20.02.) prijavu za plaćanje takse podnosi do kraja mjeseca u kojem je stekao svojstvo obveznika i taksu plaća srazmjerno vremenu obavljanja djelatnosti, odnosno za onoliko mjeseci koliko je firma u toku godine istaknuta.

Ukoliko obveznik ove takse prestane sa radom u toku godine, ima pravo na povrat takse za onoliko mjeseci koliko je preostalo poslije dana prestanka rada.

U prijavi se, pored podataka o obvezniku (sjedište ili adresa, ID broj, broj računa, adresa svake istaknute firme, odnosno natpisa, djelatnost), za pravna lica obavezno navode i podaci o vrsti pravnog lica prema veličini (mala, srednja i velika), u smislu podjele prema Zakonu o računovodstvu i reviziji u F BiH.

## **Kriteriji za utvrđivanje takse za istaknutu firmu**

### **Član 7.**

Visina takse iz prethodnog stava utvrđuje se prema tri kriterija, i to:

- a) statusu obveznika (pravno lice ili poduzetnik) i veličini pravnog lica u smislu Zakona o računovodstvu i reviziji u Federaciji BiH (podjela na velika, srednja i mala preduzeća)
- b) prema zonama u kojima se nalazi poslovna ili druga prostorija, objekat i mjesto na kojem je istaknuta firma,
- c) prema kriteriju akumulativnosti djelatnosti pravnog ili fizičkog lica.

Zone iz prethodnog stava sa ulicama koje ih čine utvrđuju se članom 9. ove Odluke.

### **Član 8.**

Pravna lica se razvrstavaju na mala, srednja i velika prema Zakonu o računovodstvu i reviziji u F BiH, zavisno od pokazatelja utvrđenih na dan sastavljanja finansijskih izvještaja u poslovnoj godini, a prema tri kriterija (visina prihoda, vrijednost imovine i prosječan broj zaposlenika u toku poslovne godine).

U kategoriju velikih pravnih lica prema Zakonu o računovodstvu i reviziji u F BiH ulaze i sljedeća pravna lica: banke, mikro-kreditne organizacije, štedno-kreditne zadruge, društva za osiguranje, leasing društva, društva za upravljanje investicionim fondovima, obaveznim odnosno dobrovoljnim penzionim fondovima, brokersko-dilerska društva i druge finansijske organizacije.

Ovom Odlukom utvrđuje se grupa pravnih lica i poduzetnika prema kriteriju akumulativnosti djelatnosti za koje se primjenjuje tarifa u različitim iznosima prema zonama u kojima se nalaze objekti ili prostorije gdje ti subjekti obavljaju djelatnost.

### **Član 9.**

Utvrđuju se sljedeće zone sa ulicama kako slijedi:

- a) EKSTRA ZONA koju čine: Titova ulica i Trg Alije Izetbegovića.
- b) I ZONA koju čine ulice: Sarajevska do raskrsnice sa Bulevarom Ezhera Eze Arnautovića, Bulevar E. Arnautovića, Bulevar Kulina bana , Bulevar kralja Tvarka I do Staničnog trga, ulice Dr. Aska Borića i Branilaca Bosne, te ulice koje se nalaze unutar kruga kojeg zatvaraju

navedene ulice, a to su: Odmut, Dr. Mehmeda Spahe, Reisa Čauševića, Muftije Šemsekadića, Mujagića Sokak, Sejmenska, Ekinovića put, Jalijski put, Vojvodića put, Jalimamov put, Hamdije Kreševljakovića, Šestića put, Begagića put, Šerbin sokak, Londža, Talića brdo, Mejdandžik, Potok, Jevrejska, M.Seida Serdarevića, Stara čaršija, Huseina Kulenovića, Srpska mahala, Prusačka, Pišće, Studenac, Kočevska čikma, Kočeva, Mehmedalije Tarabara, Islambegovića put, Dr.S.bega Bašagića, Kučukovići, Masarykova, Sestara Ditrih, Školska, Fra Ivana Jukića, Fra Grge Martića, Dr. Hasana Muminagića, Štrosmajerova do broja 56, Mokušnica, Uzunovića put, Armije BiH do br. 26, Trg Rudara, i Trg Bosne i Hercegovine.

c) II ZONA koju čine ulice iz naselja Blatuša: Željeznička, Zije Dizdarevića, Kranjčevićeva i Blatuša; naselja Crkvice: Aleja Šehida, Kamberovića Čikma, Ivana Gundulića do Nogometnog centra, Čurukovića put, Derviša Imamovića, Trg žrtava fašizma, Crkvice i Ulica prve zeničke brigade; područja Novo Radakovo: Bistua Nuova do broja 65 (paralelno sa benzinskom pumpom u ul. Avde Smajlovića), Dr.Ćire Truhelke, Avde Smajlovića, Prvomajska do raskrsnice sa ulicom Klopački put, do broja 20, Mustafe Čauševića; te sljedeće ulice: Bilimišće, Ušće, Goraždanska, Lukovo Polje, Ulica Sarajevska od raskrsnice sa Bulevarom E. E. Arnautovića do broja 82 (objekat Rudnika), Zukići, Krivače, Zacarina, Fakultetska, Stjepana Radića, ZAVNOBIH do broja 88, Nurije Pozderca, Rujev Do, Travnička cesta do br. 80, Branislava Nušića, Fra Ljube Hrgića, Augusta Šenoe, Kotromanića, Zmaja od Bosne, Velikog sudije Građeše, Vatrogasni put, Nikole Tesle, Juraja Neidharta, Željezarska, Dr.Adolfa Goldbergera, Sandžačka, Saliha Cakana Mulalića, Bulevar kralja Tvrtka I od Staničnog trga i Stanični Trg.

d) III ZONA koju čine ulice koje se nalaze na području grada Zenica, a nisu obuhvaćene prethodno navedenim zonama.

#### Član 10.

Od obaveze plaćanja komunalne takse oslobođeni su:

- državni organi i organi grada
- ustanove iz oblasti predškolskog odgoja, ustanove i organizacije iz oblasti nauke, kulture, socijalne zaštite,
- vjerske zajednice, fondacije, zadužbine i humanitarne organizacije,
- obrtnici koji obavljaju djelatnost utvrđenu Uredbom o zaštiti tradicionalnih i starih obrta, kao i obrtnici koji obavljaju djelatnost „kućna radinost „ u smislu Zakona o obrtu i srodnim djelatnostima,
- privredni subjekti (preduzeća i obrtnici) koji zapošljavaju najmanje 50% lica s invaliditetom , a imaju najmanje 10 zaposlenih.
- Gradsko vijeće može da donese odluku o oslobađanju od plaćanja takse na firmu određenih subjekata na prijedlog Gradonačelnika, a na osnovu stručnog i obrazloženog mišljenja službe gradske uprave u čijoj je nadležnosti praćenje stanja u oblasti u kojoj posluju ili djeluju ti pravni subjekti.

#### TARIFNI BROJ 1.

#### Član 11.

##### A) PRAVNA LICA PREMA VELIČINI I PODUZETNICI - OBRTNICI

zone	velika pravna lica (osim	srednja pravna lica	mala pravna lica	Poduzetnici (osim izuzetaka)
------	--------------------------	---------------------	------------------	------------------------------

	izuzetaka)			
ekstra zona (100%)	1.600,00 KM	1.000,00 KM	300,00 KM	200,00 KM
I zona (cca80%)	1.300,00 KM	800,00 KM	250,00 KM	100,00 KM
II zona (cca60%)	1.000,00 KM	600,00 KM	200,00 KM	70,00 KM
III zona (cca40%)	700,00 KM	400,00 KM	150,00 KM	50,00 KM

**B) GRUPA RAVNIH LICA I PODUZETNIKA PREMA KRITERIJU AKUMULATIVNOSTI DJELATNOSTI**

Naziv djelatnosti pravnih lica	Šifra djelatnosti	Zone	Iznos takse
<b>I GRUPA PRAVNIH LICA</b>	9,20		
Lutrija, igre na sreću, sportske kladionice			
	<i>Rasponi po zonama</i>		
	100%	Ekstra zona	50.000 KM
	80%	I zona	40.000 KM
	60%	II zona	30.000 KM
	40%	III zona	20.000 KM
Telekomunikacije, telefonske i satelitske usluge	61		
Proizvodnja i distribucija el.energije	35.1		
Noćni barovi i diskoteke	56.3		
	<i>Rasponi iznosa po zonama:</i>		
	100%	Ekstra zona	3.000,00 KM
	80%	I zona	2.400,00 KM
	60%	II zona	1.800,00 KM
	40%	III zona	1.200,00 KM
<b>II GRUPA PRAVNIH LICA - KAO</b>	<b>VELIKA</b>	<b>PRAVNA</b>	<b>LICA</b>
Proizvodnja i promet nafte i naftnih derivata	46.71, 47.3		
Proizvodnja i trgovina duhanom izuzev kioska	12.0, 46.35, 47.26		
PTT	53.1		
Banke, osiguranje i finansijske organizacije	64,65,66		
Hoteli i moteli	55.1		
		ekstra zona	2.000,00 KM
		I zona	1.600,00 KM
		II zona	1.200,00 KM

		III zona	800,00 KM
Po svakom bankomatu banaka	64	ekstra zona	1.000,00 KM
		I zona	800,00 KM
		II zona	600,00 KM
		III zona	400,00 KM
<b>III GRUPA PRAVNIH LICA KAO MALA</b>	<b>PRAVNA</b>	<b>LICA</b>	
Trgovina na malo u kioscima	47.		
		ekstra zona	300,00 KM
		I zona	250,00 KM
		II zona	200,00 KM
		III zona	150,00 KM
<b>I GRUPA DJELATNOSTI FIZIČKIH LICA</b>	<b>Šifra djelatnosti</b>	<b>zone</b>	<b>Iznos takse</b>
notari	69.1		
		ekstra zona	2.000,00 KM
		I zona	1.600,00 KM
		II zona	1.200,00 KM
		III zona	800,00 KM
<b>II GRUPA DJELATNOSTI FIZIČK. LICA</b>			
advokati	69.1		
Agencije za poslovanje nekretninama	68		
Noćni barovi i diskoteke, hoteli i moteli	55.1, 56.3		
Privatna zdravstvena i stomatološka praksa	86.2		
Privatne apoteke	47.73		
		ekstra zona	1.000,00 KM
		I zona	800,00 KM
		II zona	600,00 KM
		III zona	400,00 KM
<b>III GRUPA DJELATNOSTI FIZIČ. LICA</b>			

OBRTI mesarski, zlatarski	10.1,47.22, 32.12		
Knjigovodstveni servisi	69.2		
		ekstra zona	300,00 KM
		I zona	240,00 KM
		II zona	180,00 KM
		III zona	120,00 KM

## **B) UDRUŽENJA GRAĐANA**

**50,00 KM BEZ OBZIRA NA ZONU**

### **TARIFNI BROJ 2.**

#### **Član 12.**

Za držanje sredstava za igru (bilijar, karte za igru, fliperi, automati, video igre i aparati za posebne gre na sreću plaća se godišnje po jednom komadu, aparatu, odnosno predmetu 300,00 KM.

Prijava takse za držanje sredstava iz stava 1. ovog člana podnosi se na isti način, istom organu i u istom roku kao i prijava takse na firmu iz člana 6. stav 2. Odluke.

### **TARIFNI BROJ 3.**

#### **Član 13.**

Za držanje žive muzike, koncerte, scenske nastupe i sl. plaća se:

300 KM po svakom nastupu za estradne umjetnike i druge izvođače koji su u prethodnoj godini ostvarili dohodak u iznosu većem od 5.000 KM po godišnjoj prijavi poreza na dohodak (GPD-1051).

U slučajevima kad je dohodak iz prethodnog stava u manjem iznosu od 5.000,00 KM, iznos takse po svakom nastupu je 150,00 KM.

Taksu je dužan platiti isplatilac/organizator istovremeno sa podnošenjem prijave nadležnoj poreznoj ispostavi – Ispostava Zenica.

Uz prijavu se podnosi dokaz o ostvarenom dohotku u prethodnoj godini pribavljen od nadležnog poreznog ureda (domaćeg ili inostranog).

Prijava se podnosi u roku od 3 dana prije održavanja samog događaja.

## **NADZOR**

#### **Član 14.**

Nadzor nad provođenjem ove Odluke u pogledu prijave, obračuna i plaćanja takse, kao i prinudnu naplatu u slučaju neplaćanja vrši nadležni porezni ured na teritoriji Grada Zenica.

## **KAZNE NE ODREDBE**

#### **Član 15.**

Novčanom kaznom u iznosu od 2.000,00 KM kazniće se za prekršaj pravno lice koje u roku propisanom članom 6. i 13. Odluke ne prijavi ili ne plati taksu.

Novčanom kaznom u iznosu od 1.000,00 KM kazniće se za prekršaj odgovorno lice u pravnom licu koje u roku propisanom članom 6. stav 2. i 3. Odluke ne prijavi ili ne plati taksu.

Novčanom kaznom u iznosu od 500,00 KM kazniće se za prekršaj fizičko lice koje u roku propisanom članom 6. i 13.. Odluke ne prijavi ili ne plati taksu.

## **ZAVRŠNE ODREDBE**

### **Član 16.**

Danom stupanja na snagu Odluke o komunalnim taksama ("Službene novine Grada Zenica", broj:2/15) prestaje da važi Odluka o komunalnim taksama („Službene novine općine Zenica, br. 6/94, 5/95, 3/96, 2/99, 2/07 i 5/09).

### **Član 17.**

Prečišćen tekst Odluke o komunalnim taksama obuhvata: Odluku o komunalnim taksama ("Službene novine Grada Zenica", broj:2/15), Odluku o izmjeni Odluke o komunalnim taksama ("Službene novine Grada Zenica", broj:4/15) i Odluku o izmjenama i dopunama Odluke o komunalnim taksama ("Službene novine Grada Zenica", broj: 1/17); u kojima je označan dan stupanja na snagu istih.